

adversis agnoscamus amorem patris flagellantis nos A deus possimus sustinere : ita fiet ut tota vita nostra nihil aliud sit quam testimonium, declarans apud credentes et incredulos sapientiam, bonitatem, misericordiam ac veritatem Dei Patris, et Filii illius Iesu, et Spiritus sancti. Amen.

ORATIO CYPRIANI ANTIOCHENI,

PRO MARTYRIBUS.

HAGIOS, hagios, hagios, sancte sanctorum, Pater patrum nostrorum, Deus Abraham, Deus Isaac, Deus Jacob, Deus Apostolorum, Deus Prophetarum, Deus Virginum, Deus bene viventium, Deus creditum, Deus et Pater Domini nostri Iesu Christi filii tui : te invocamus supplices, pariter et deprecamur, Fili unigenite, qui ex ore Altissimi procreatus es ante mundi dispositionem, et ex Mariæ sanctæ virginis utero per mysterium editus, orantibus nobis, sancti desiderii spiritale incrementum et integritatem cordis præstare dignare, ut lavaero salutari recreatum pectus a delictis carnalibus incolme persistat. Petimus fide illibata, mente incorrupta, devotione robusta, operatione seu dilectione continua, ut in Ecclesia sancta tua nos florere permittas : quoniam tibi flectimus genua et curvamus cervices, cui Angeli et Archangeli, millia millionum Martyrum, chorus Apostolorum et Prophetarum gloria exsultant, cui omnes aves canunt laudes, linguae confitentur cœlestium, terrestrium et infernorum : tibi omnes aquæ in cœlo et sub cœlo confitentur; te insensibilia sentiunt : tu es solus, et præter te et extra te nemo. Te quæsumus, Domine, Pater omnipotens, qui soli filio conspicabilis es, cuius Angeli et Archangeli obtemperant tibi, Domine Pater : te oramus ut tribias nobis mentem integrum, innocentiam puram, sinceritatem devotam, conscientiam sanctam, puram, sobriam,

castam, contra omnes insidias sæculi gloria fide degentem, contra diaboli minas et carnales illecebras munitionem peccati concedas, ne violenti et cruenti hostis lethalibus laqueis implicantur, ut signum salutis æternæ incolme perferramus. Pelle a nobis omnem sæculi illuviam omnemque diaboli persuasionem. Laqueetur, concidatur, et superetur a nobis, et amoveatur, sicut a Sarra famula tua Asmodeus, dæmon nequissimus, extinctus per angelum tuum sanctum Raphael. Et sicut Tobiae afflisti, ita mihi adesse digneris. Et ut tribus pueris in camino, et Danieli misericordiam prestitisti, sic circa nos famulos tuos facere digneris. Qui mortuos suscitasti, eæcos illuminasti, surdis auditum, mutis eloquia, claudis gressum, leprosis sanitatem dedisti, ita et da famulis tuis, qui te tota virtute mentis credimus natum, passum, venturum judicare vivos et mortuos. Assiste nobis, sicut Apostolis in vinculis, Thiecle in ignibus, Paulo in persecutionibus, Petro in fluctibus. Qui sedes super septem thronos ad dexteram Patris, respice nos et libera nos de æternæ mortis interitu : unus in uno, Pater et Filio, Filius in Patre, Spiritus sanctus, per quem et cum quo est tibi in sancta Ecclesia honor, virtus, claritas, majestas, potestas, benedictio, immortalitas, et nunc et in æternum, semper et in omnia sæcula sæculorum. Amen.

VARIORUM NOTÆ.

Cypriani Antiocheni. Quis fuerat iste Cyprianus, Antiochenus magus et Justinæ amasius, infra dicetur.

Oxon.

Soli filio conspicibilis es. MSS. omnes et vet. exc. conspectabilis. Verum illud placet, quod similiter dixerit Prudentius : *coram refusis ore conspicibilis.*

PAMEL.

Innocentiam puram. Morellio rursus acceptam debemus vocem *puram*, et paulo post vocem *hostis*, ubi legitur *ernenti hostis*, alibi desideratas. PAMEL.

Ut signum salutis æternæ incolme perferramus. Isdem penè verbis uititur etiamnum Ecclesia in exercitu Baptismi. PAMEL.

D

ORATIO CYPRIANI ANTIOCHENI,

QUAM SUB DIĒ PASSIONIS SUÆ DIXIT.

DOMINE sancte, Pater hagios, Deus hagie, et hagie Deus mens, quis enim major te? tibi gratias et laudem resero, Deus Abrahæ et Deus Isaac et Deus

Jacob, Deus patrum nostrorum, Deus Apostolorum, et Deus Prophetarum, et Deus Martyrum, qui fuisti ante mundi dispositionem, Deus vivorum, venturus

VARIORUM NOTÆ.

Deus Abrahæ. Præmittit idem Gravius, *Deus Patrum nostrorum*, quod vulgo postponitur, quantum

apparet; quia sic sere ubique Scriptura. Sed nobiscum legunt MSS. PAMEL. R